



Umiarsuarlivimmi/talittarfimmi maleruagassat

Umiarsualivimmi malittarisassaqaartitsineq pillugu Namminersornerullutik Oqartussat nalunaarutaat nr. 1, 4. januar 2000-meersoq naapertorlugu Nunaqarfimmi umiarsualivimmi maleruagassat ilaatigut makkut atuisunit eqqumaffigineqassapput, ¹:

1. Talittarfik pingaarnerusutigut makkuninnga atorneqassaaq:

- a. Royal Arctic Bygdeservice-ip umiarsuaasa usingiarnissaannut usilersornissaannullu.
- b. Aalisarnermik ingerlassaqaartut usingiarfiatut usilersorfiattullu, kiisalu kiffartuunneqarneranni talinngaffissatut inuussutissarsiutinillu ingerlatsisut allat atuisinnaallutik.
- c. Sinersortaatit ilaasuisa niuffissaattut ikiffissaattullu.
- d. Talittarfik qulaani pineqartunut akornutaangippata talittarfik allat talinngaffigisinnaavaat.

2. Talittarfimmik atuineq

- a. 1.a, 1.b, 1.c-imilu talinnganiartut tamarmik tikitsinnatik piffissaq tikiffissaq, kiisalu aallarfissaq umiarsualivimmi nakkutilliisumut nalunaarutigissavaat. Umiarsualivimmi nakkutilliisup qulakkeerniassavaa umiarsuit tikittussat talinngavissaqarnissaat.
- b. Umiarsualivimmi nakkutilliisoq pisussaavoq qulaani talinngasussat tikitsinnagit talittarfimmik atuisunut allanut nalunaaruteqassalluni, umiarsualivimmilu nakkutilliisoq talinngaffigisassamit illuaqqusissalluni piginnaatitaaffeqarpoq, angallatit namminneerlutik akiligassaannik akisussaaffigisaannillu.
- c. Aalisariutit talittarfik atorlugu usiminnik usingiartut usingiarnertik uninngatissanngilaat – kinguaattoorfiunngitsumillu naammassiniassallugu.

3. Kisarsimaneq

- a. Talittarfimmi kisarsimaneq inerteqqutaavoq, kiisalu talittarfimmut pulammagiame aammalu tulakkiartortarfimmi kisarsimaneq inerteqqutaavoq.
- b. Immikkut pisoqarneratigut kisarsimasinnaaneq akuerineqarsinnaavoq. Umiarsualivimmi nakkutilliisoq tassani akuersiseqqaarneqassaaq, taassumalu naliliineratigut piffissalikkamik akuersissuteqartoqarsinnaalluni.
- c. Umiatsiaaqqat talittarfimmut pitussimallutik avalattaateqarnissaat inerteqqutaavoq.

4. Usilersorneq usingiarneq

- a. Usit navianartut 24 timit sioqqullugit umiarsualivimmi nakkutilliisumut nalunaarutigereerneqarsimasapput talittarfimmut talitsinnani. Usit navianartut nalunaarutigineqarneranni nakku nalunaarutigineqassapput: Usit suussusii, usit annertussusii, navianassusaannut nalunaaqqutai, UN-nr.-i, poortuutaasa qanoq ittuussusii, kiisalu umiarsuarmi inissisimaffiat.
- b. Ajornartorsiortoqartinnagu usit navianartut aammalu umiarsualivimmi nakkutilliisup akuersisimatinnagu talittarfimmut taligutissanngilai.

¹ Eqqumaffigineqassaarlum maleruagassat allassimasut inatsisitigut atuuttuummata.



-
- c. Usinut navianartut poortorsimassapput, nalunaaqutsersimassapput, inissinneqarsimassapput aammalu immikkoortinneqarsimallutik IMDG-p nalunaarsuutai naapertorlugit, kiisalu kalaallit qallunaallu maleruagassat, kiisalu nunat tamalaat maleruagassaat malinneqassapput.

5. Umiarsualivimmik atuineq

- a. Talittarfimmik kiisalu puttasumik atuisut namminneerlutik talittarfik atoreerunikku torersassavaat, saliilluni igitassallu igillugit, kiisalu igitassat suulluunniit peerneqarsimassapput.
- b. Talittarfiup qaava apisimappat atuisut namminneerlutik pisariaqarfiisigut aputaajassavaat.
- c. Atortut/sakkut/piniutit suulluunniit talittarfimmi/puttasumi uninngateqqusaanngillat. Piginnittullu namminneerlutik pigisatik piiassavaat nammineq akiligakkaminnik. Taamatullu pisoqanngippat naak umiarsualivimmi nakkutilliisooq peqqusigaluartoq, umiarsualivimmi nakkutilliisooq piginnittup(t) akiligassaannik akisussaaffigisaannillu atortut/sakkut il.il. piiartinneqassapput.
- d. Umiarsuit/angallatit suulluunniit talittarfimmi iluarsarneqarniarpata, soorlu maskiinaminnik, atortuutiminnik assigisaannillu iluarsaassineq aallartinneqassanngillaq umiarsualiviup nakkutilliisua akuersisimatinnagu, pingaartumik umiarsuup imarsiorsinnaassusia innarlerneqarsimatillugu.
- e. Angallatinik umiatsiaaqqanilluunniit talittarfimmut qaqitsiniartoqassappat tamanna umiarsualivimmi nakkutilliisup akuersineratigut aatsaat pisinnaavoq. Piginnittorlu nammineerluni kommunimut piffissamik killilikkamik nunaminertamik qinnuteqassaaq.
- f. Nassiussat suulluunniit talittarfimmi uninngateqqusaanngillat. Umiarsualivimmili nakkutilliisup naliliineratigut nassiussat annertuut inissikkallarneqarsinnaapput. Inissikkallarneqarneranni akit atuutut atorineqassapput.

6. Umiarsualivimmi nakkutilliisooq

- a. Qitiusumit umiarsualivimmik nakkutilliisuuneq Namminersorlutik Oqartussanit ingerlanneqarpoq
- b. Nunaqarfimmi/Illoqarfimmi umiarsualivimmik nakkutilliisuuneq KNI A/S Pilersuisuimit ingerlanneqarpoq.

Nunaqarfimmi umiarsualivimmik nakkutilliisooq